



Broj: 17-14-36888-8

Datum: 17.12.2018. godine

Na osnovu člana 64. stav (1) tačka a) i člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo (“Sl. Novine Kantona Sarajevo broj 5/06 – Prečišćeni tekst) i Preporuke Komisije za ustupanje usluga u postupku javne nabavke usluga obaveznog i kasko osiguranja motornih vozila Kantona Sarajevo u 2019. godini, načelnik Stručne službe za zajedničke poslove je donio

ODLUKU

o izboru najpovoljnijeg ponuđača u otvorenom postupku javne nabavke usluga obaveznog i kasko osiguranja motornih vozila Kantona Sarajevo u 2019. godini za LOT 1 – obavezno osiguranje

Član 1.

(Predmet Odluke)

Prihvata se Preporuka Komisije za ustupanje usluga u postupku javne nabavke **usluga obaveznog i kasko osiguranja motornih vozila Kantona Sarajevo u 2019. godini za LOT 1** i ugovor za javnu nabavku usluga obaveznog osiguranja dodjeljuje se najpovoljnijem ponuđaču „**Adriatic osiguranje**” d.d. Podružnica Sarajevo, ponuda broj: 229/18-JG od 03.12.2018. godine, zaprimljene pod brojem: 17-14-39117 od 10.12.2018. godine, za ponudenu ukupnu cijenu ponude u iznosu od 32.698,00 KM bez PDV-a.

Član 2.

(Prijedlog ugovora)

- (1) Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (u daljem tekstu: Zakon).
- (2) Izabrani ponuđač se oslobađa obaveze dostavlja dokumentacije iz člana 45. i 47. obzirom da je iste dostavio uz ponudu.



Član 3.
(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 17-14-36888 od 19.11.2018. godine.

Javna nabavka je provedena putem otvorenog postupka javne nabavke.

Ukupna procijenjena vrijednost nabavke iznosi 70.000 KM bez PDV-a, od toga 49.000,00 KM za LOT 1.

Obavještenje o nabavci broj: 1230-1-2-79-3-59/18 objavljeno je dana 19.11.2018. godine i u "Službenom glasniku BiH" broj: 84/18 od 30.11.2018. godine.

Tenderska dokumentacija objavljena je na portalu javnih nabavki dana 19.11.2018. godine.

Komisija za javnu nabavku imenovana je Rješenjem o imenovanju broj: 17-14-3-36042 od 25.10.2018. godine.

Krajnji rok za prijem ponuda bio je: 10.12.2018. godine do 13:00h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 13:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-36888-8 od 13.12.2018. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 4
- Broj blagovremeno zaprimljenih ponuda: 4
- Broj neblagovremeno zaprimljenih ponuda: 0
- Broj prihvatljivih ponuda: 2
- Broj neprihvatljivih ponuda 2



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.

Prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda – analitička tabela:

| Red. br. | Evidencijski broj ponude | PONUĐAČ | Datum i vrijeme prijema | Ukupna cijena ponude u KM bez PDV-a | Ponudeni popust |
|----------|--------------------------|---------------------|-----------------------------|---|-----------------|
| 1. | 17-14-39177 | Adriatic osiguranje | 10.12.2018. godine u 09:04h | 1. Cijena 32.698,00 2. Rok isplate 1 dan | |
| 2. | 17-14-39183 | Camelija osiguranje | 10.12.2018. godine u 09:25h | 1. Cijena 31.283,56 2. Rok isplate 1 dan | 4.478,16 KM |
| 3. | 17-14-39184 | Sarajevo osiguranje | 10.12.2018. godine u 10:17h | 1. Cijena 34.816,15 2. Rok isplate 1 dan | |
| 4. | 17-14-39207 | ASA osiguranje | 10.12.2018. godine u 12.04h | 1. Cijena 57.243,00 2. Rok isplate 1 dan | |

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da su sljedeći ponuđači dostavili kompletne i formalno pravno prihvatljive ponude:

1. **Adriatic osiguranje d.d. Sarajevo**
2. **Sarajevo osiguranje d.d. Sarajevo**

Ponuda ponuđača **Camelija d.d. Bihać** se odbacuje kao neprihvatljiva iz sljedećeg razloga:

1. U skladu sa Poglavljem III Uslovi za kvalifikaciju ponuđača, tačka 1.4. Ekonomska i finansijska sposobnost Tenderske dokumentacije, ponuđači su bili obavezni dostaviti poslovni bilans stanja i bilans uspjeha za 2017. godinu, u smislu člana 47. stav (1) tačka c) Zakona, kojim treba dokazati pozitivno poslovanje u navedenoj godini poslovanja. Ponuđač je uz ovjerenu Izjavu o ispunjenosti uslova iz člana 47. st. (1) tačka c) i (4) Zakona dostavio kopije bilansa stanja i bilansa uspjeha za 2017. godinu, iz kojih je vidljivo da ponuđač **nije poslovao pozitivno u 2017. godini**, a kako je traženo tenderskom dokumentacijom, te se njegova ponuda iz navedenog razloga odbacuje kao neprihvatljiva u skladu sa članom 68. stav (4) tačka i) Zakona.
2. U skladu sa Poglavljem III Uslovi za kvalifikaciju ponuđača, tačka 1.3. Sposobnost obavljanja profesionalne djelatnosti – u smislu člana 46. Zakona Tenderske dokumentacije, ponuđači su bili obavezni dostaviti dokaz o registraciji u odgovarajućim profesionalnim ili drugim registrima zemlje u kojoj su registrirani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi s predmetom nabavke, odnosno dostaviti Aktuelni izvod iz sudskog registra ili



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke, uz obavezu da dostavljeni originali dokumenata nisu stariji od 3 mjeseca u odnosu na dan određen kao krajni rok za prijem ponuda. Ponuđač je u ponudi dostavio uredan Aktuelni izvod iz sudskog registra, kao i Uvjerenje Agencije za nadzor osiguranja FBiH broj: 1.0.-059-1814-1/16 od 17.08.2016. godine (odnosno starije od tri mjeseca) kojim se potvrđuje da mu je odobreno obavljanje djelatnosti osiguranja motornih vozila, ali je **propustio dostaviti Uvjerenje Agencije za nadzor, ne starije od 3 mjeseca kojim se potvrđuje da je dato odobrenje na snazi.** Na osnovu navedenog, ponuda ponuđača se odbacuje kao neprihvatljiva u skladu sa članom 68. stav (4) tačka i) Zakona.

Ponuda ponuđača **ASA osiguranje d.d. Sarajevo** se odbacuje kao neprihvatljiva iz sljedećeg razloga:

1. U skladu sa Poglavljem IV stav 1) tačka p) Tenderske dokumentacije, ponuđači su bili obavezni uz originalnu ponudu dostaviti i kopiju ponude u tvrdoj kopiji ili skeniranu u isključivo pdf formatu (jedan dokument) na mediju za skladištenje digitalnih podataka (USB, DVD, CD ili sl.). Kako je ponuđač propustio dostaviti kopiju ponude, a što je dokumentovano i u Zapisniku sa otvaranja ponuda, njegova ponuda se odbacuje kao neprihvatljiva u skladu sa članom 68. stav (4) tačka i) Zakona.

Na osnovu izvršene evaluacije ponuda, Komisija je izvršila vrednovanje prispjelih prihvatljivih ponuda, shodno kriterijima iz Tenderske dokumentacije, te ustanovila rang listu kako slijedi:

| Red. br. | Ponuđač | Cijena | Rok isplate osigurane sume | Ukupan broj bodova |
|----------|---------------------------------|--|----------------------------------|--------------------|
| 1. | Adriatic osiguranje d.d. | 32.698,00/32.698,00 *90 =90 bodova | 1 dan/1 dan *10 =10 bodova | 100 bodova |
| 2. | Sarajevo osiguranje d.d. | 32.698,00/34.816,15 *90 = 84,52 boda | 1 dan/1 dan *10 =10 bodova | 94,52 boda |

Na osnovu navedenog, a u skladu sa kriterijem "ekonomski najpovoljnija ponuda" Komisija je predložila dodjelu ugovora za ustupanje usluga obaveznog osiguranja ponuđaču Adriatic osiguranje d.d. Podružnica Sarajevo.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka a) Zakona, odlučeno je kao u dispozitivu.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



POUKA O PRAVNOM LIJEKU:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. Zakona i 105. Zakona.



Pripremila: Azra Sipović
Kontrolisao: Sedin Kozadra

Prilog:

Zapisnik o pregledu i ocjeni ponuda

Dostaviti:

1. Ponudračima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

